

雲峯喜禪師語錄

卷下

C40
4514
(226)



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C40-4514

了翁上座清大德久有
崇書堂之號州縣山
城及於唐元丘府中水
之學者不以詩出院內
嘗曰二世鐵牛機謹誠



B 64853

雲峴喜禪師語錄卷下

嗣法門人果性等編

任長安大興善寺語錄

師在汝州風穴受請於順治十七年庚子九月十五日進院至

山門云跋涉江山萬里程杖頭挑撥水雲深林間識得賓中主把手同歸不二門拈拄杖便行
佛殿上香云三覺圓明笑倒雲門乾屎橛一真絕跡
拈起風穴竹筋鞭空王殿上頻稽首焦磚打着連麼
凍遂大展三拜

1701 2 3 4 5 6 7 8 9 1801 1 2 3 4 5 6 7 8 9 1901 1 2 3 4 5 6 7 8

撰述

金言錄卷一

伽藍堂云吾今旣卦長安唯有一事相托煩君一臂之力驀豎拂子云大家扶這箇祖師堂云東震與西乾一夥白拈賊拈香云吾今活捉來當下俱勦絕便燒

方丈據座以拄杖靠禪牀云橫按吹毛全提正令艸偃風行十方鎮靜縱擒殺活在臨時從敎聖凡來乞命復卓拄杖喝一喝

明日衆請開堂師至法座拈請啓云大衆會麼內嚴外肅水乳何分箇裏無私流通正眼如或未委試聽宣讀宣畢

師指法座云須彌燈王如來早已向人天衆前漏逗了也新典善忍俊不禁爲伊蓋覆一上去也卽陞座拈香云此瓣香根帝生於三韓枝葉茂乎漢國爇向爐中端爲祝延

今上皇帝聖躬萬歲萬歲萬歲恭願金輪永固寶祚彌昌四海皆樂文明萬邦俱陶至化又拈云此瓣香中散爲萬事末復合爲一理奉爲滿朝文武闔國公卿本省在任尊官縉紳文學高遷祿位永佐堯天本山請主在筵繙素伏願直下早悟真空永證當來佛果又拈云此瓣香二十載蜀水吳山一朝相逢兩

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

手分付今番第六回拈出奉爲浙江寧波府

天童堂上林野先師大和尚熟向爐中用酬法乳之
恩維那白椎云法筵龍象衆當觀第一義師云第
一義諦無處廻避擬議推尋胡餅裏呷汁畢竟如何
眉橫鼻直還有知落處底麼出來道看僧問舊日家風
卽不問新入長安事如何師云腳跟元不動時經萬
里程進云恁麼則人人盡樂堯天日家家齊唱太平
歌去也師云一句道着進云未審向上還有事也無
師云琉璃殿上無知識僧喝師便打問長安青門燉
煌菩薩曾翻此經未審此經作麼生翻譯師云喝囉

咱那進云且道如何受持師便打僧喝師復打問大
地衆生爲甚麼與學人鼻孔不同師云切忌以己方
人進云如何是楞嚴大定師云動也師乃云大道虛
玄當陽顯露真機妙密脫體圓明卷舒應用以無虧
出沒隨緣而自在偈末投水如空合空觸處現成了
無縫罅恁麼則一任孤峯頂上嘯月吟風十字街頭
和光混俗動若行雲止猶谷神旣無心於彼此豈有
像於去來到這裏始可提妙明之心印廓宗說之通
途施格外之權衡會偏圓之一致譬如樂蘊奇音指
妙則宮商應節人懷覺性智巧則動用冥真狀雖如

9701 2 3 4 5 6 7 8 9 1801 2 3 4 5 6 7 8 9 1601 2 3 4 5 6 7 8 9

是祇如一句語中具三玄一玄中具三要有權有實
有照有用又作麼生道蓦拈拄杖云棒頭有眼明如
日要識真金火裏看
結冬制晚參僧問無眼耳鼻舌身意畢竟是何面目
師云庭前寒鵲噪斜陽進云眼光落地時如何師云
一畝之地三蛇九鼠問如何是百刦千生一句子師
云斷跟艸鞋尖簷席帽僧禮拜師便打問有苦有樂
途中事如何是歸家消息師云到頭霜夜月任運落
前溪僧頓足師云手忙腳亂問二六時中收來放去
如何是親切處師云瞎子有人牽跛子有人扶師乃

示衆云月紀秦正氣象殊光陰可惜竟何如等閒獨
倚南樓立四顧風寒滿太虛堪嗟祖庭秋晚正法凌
夷乖違本心人不根道因茲水雲義聚互爲王賓宜
各慇懃必不相賺雖狀如是且作麼生卽得豈不見
當季慧可大師問初祖達磨大師云諸佛法印可得
聞平磨云諸佛法印匪從人得可云我心未寧乞師
安心磨云將心來與汝安可良久云覓心了不可得
磨云與汝安心竟只今現前大衆人各有心何必更
安但只著衣喫飯坐臥經行取性自由至矣盡矣何
也青山綠水仍依舊萬古乾坤日月流

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

昇蓮
結制燦狀萬居士請上堂僧問第一義諦誠難迴避
囊藏於佛祖機先漏逗於長安鬧市今朝狹路相逢
請師重下註腳師云須彌走入隣虛塵進云迎來送
往家常事短限長期過在誰師云天高群象正進云
謝師答話師云海濶百川潮問鐘鼓聲聲談妙法風
旛旛綽綽唱圓音未審是甚麼意旨師云聲色堆頭臥
見聞進云衆中還有不聞者麼師云埋沒了也師乃
云一句全提該羅法界千差坐斷永絕端倪佛祖窺
覲無門人天仰望不及直得聖凡情盡心境俱忘湛
寂凝狀泯絕無寄到這裏更須知有轉身一路獨步

大方左右逢原縱橫變化始得遂驀壁拂子云還會
麼萬仞巖前輕撒手大千沙界露全身

咸亨禪人領涇陽衆檀越請上堂僧問承師有言差
排古佛離窠臼離却窠臼又向甚麼處去師云大千
沙界海中漚一切聖賢如電拂進云莫是他安身立
命處麼師云三千里外絕諸訛進云謝師答話師云
不識好惡漢僧便喝師云再喝喝看問火燒龍王殿
王在何處安身師云庭前驢子呌問四大各離法身
當在何處師云白雲淡淡杲日暉暉僧禮拜云謝師
慈悲師云彼此不着便問如何是學人本分事師云

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

秋來一葉落滿地月光輝進云那箇是親切處師云
 寒山逢拾得撫掌笑呵呵進云箇中關捩子了狀無
 縫罅如何透得師云退後三步問大國長安卽不問
 涇渭清濁事若何師云灞橋餞別悲喜交并進云還
 有濁而清者麼師云高着眼問生死事大無常迅速
 如何着落師云深山藏獨虎進云畢竟如何師云淺
 峯出群蛇師乃云聲前一句截斷衆流信口道來眼
 橫鼻直入林不動艸入水不動波狀而美則美矣仔
 細檢點將來猶未盡善直饒掇轉驢腮謾道止止不
 須說掀翻露布休云我法妙難思何故擲瓜田不納

履李下莫整冠低頭又蹉過擡眸落二三興善恁麼
 告報大侶紫羅帳裏撒珍珠盡情剖露了也遂以拂
 子作○相云須知就裏深深意莫把封皮作信看

晚參師云真空寥廓智體虛玄妙契冥符了無物我
 所以拈花微笑互相熟認面壁安心計窮力竭德山
 入門便棒臨濟入門便喝雖則二俱敏手石火電光
 徒勞鈍置直饒古今諸佛祖天下老和尚任其千般
 施設萬種安排若到此善這裏不消一彈指傾便乃
 高底普應前後無差目道典善有甚長處食食粟米
 飯顆顆是黃金

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

高陵衆居士請上堂僧問達磨面壁卽不問斷臂安
心意旨如何師云物見主眼卓犖進云正恁麼時痛
耶不痛耶師云遠親不如近隣進云將此深心奉座
刹是則名爲報佛恩師云休將庭際柏擬比路傍蒿
問風穴家風卽不問長安風境事若何師云商山四
皓共是一人問棒喝交馳且拈郤請師直指第一義
師云不因柳毅傳書信何緣得到洞庭湖問世尊陞
座卽不問見性成佛請師道師云迷的迷醒的醒進
云謝師指出當陽事十方刹海現全身師云老僧不
曾道着一字進云情知和尚不肯學人師云不識好
惡乃云箇事分明不覆藏何須特地更揄揚惑懃三
請重拈出兩耳元來在面傍恁麼見得便見坐臥經
行人人樂自天常之性超聲越色處處輝騰本地風
光雖則念念攀緣便乃心心永寂明明不昧了了常
知且道知一切法而卽心自性又作麼生會良久云
風吹天際寒雲動雪壓難摧澗底松

梁冲霄居士請上堂僧問日中有影因甚鏡裏無痕
師云明眼人前三尺暗進云揆艸瞻風貴圖見性卽
今學人性在甚麼處師云海島金山笑善財問蚯蚓
截爲兩段未審性在那一段師左右顧視云會麼僧

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

擬議師便打問喜怒哀樂尋常事一念未生時又作
麼生師云山青水綠進云懷珠乞丐覓他寶帶露瞻
風卻是誰師云雪峯道底問一念未生全體現超凡
入聖事若何師云上者不高低者不下問心本無心
因境有了境唯心事若何師云眼睛併木楔進云本
來清淨因甚又不了師云重添搣捶乃云丹心一點
動合神猷運化千般冥符至理雖則難思正體非情
可擬要知莫測靈明卽緣而照若洪鐘之在架隨扣
擊以成聲大道虛玄故無求而不應正所謂無門無
傍四闔皇皇吾不知其名字強名之日道還會麼金

蛇入夢情偏喜龍過禹門燒尾新遂喝一喝下座
請祇雅鑑首座立僧天涯禪人領衆居士請上堂僧
問盡大地是箇禪堂未審誰是禪堂裏面人師云家
住大梁州更覓長安路進云內不放出外不放入且
道是甚麼意旨師云鼻孔元來搭上唇問朝日忪忪
卽不問古澗寒泉事若何師云雲在嶺頭閒不徹問
心不是根法不是塵正當恁麼時如何師云見你納
敗闕僧喝師云好不識羞乃云拈起須彌鉗子當陽
擊碎虛空徹底了無巴鼻縱橫八面玲瓏於此端的
始可開鑒人天眼目提持格外風規一任換斗移星

與人解粘去縛着着有出身之路頭頭全殺活之機
權衡佛祖龜鑑宗乘奪食驅耕本無作意興善僧堂
衆雖不多箇箇病在膏肓宜早晚至首座寮請求發
藥便可痊安

冬至山林知殿領衆居士請上堂僧問大地乾坤卽
不問狹路相逢事若何師云退身三步進云一季三
百六十日返復元來是這漢師云錯認盤星問碧
潭一釣蛟龍上請師相見事若何師便喝進云一聲
喝轉現全身師云庭前古柏翠谿底霜雪寒間如何
是西來密旨師云昨日有人從東土來進云人人有

箇影子因甚踏不着師云爲你腳跟不穩乃云乾坤
有象化育無私四序遷移玄樞不動截群機於未兆
剔突圍鬪戢冥運於卽化混融葦鎔那邊這畔無可
不可若隱若顯體用全彰更須把住平關凝狀湛寂
滴水滴凍佛祖覬捕無門人天難以措足便好放開
線道一陽來復匝地普天狀雖如是把住則且置放
開時又作麼生昨夜面南看北斗梅花早報一枝春
喝一喝下座

謝監院暨兩廊衆耆舊上堂敘謝畢師復云兩廊義
重同監院遠請山僧結勝緣佛事人情皆周備風拋

瑞雪喜成團下座

解制小叅師以拄杖驂擊禪床云拈起子尋兔角杖
敲開蓬戶萬重關莫將心意求玄會月落潭空碧玉
寒復舉教中道若有一人發真歸元十方虛空悉皆
消殞五祖演云若有一人發真歸元十方虛空築着
磕着師拈云八面玲瓏須是釋迦老子通身手眼還
他五祖禪師雖則同床各夢檢點將來大偈徐六擔
板典善又且不狀若有一人發真歸元饑喫飽喜閒
坐困眠且道與他先德相去多少試檢點看
解 上堂僧問把住牢關卽不問放開一路事如何

師云艸鞋綈侶虎拄杖活如龍進云朝來門外千峯
雪頃刻陽和當下消師云誰恁麼道師乃云十方雲
集善哉良緣表裏雍容當爲何事結制共開爐同向
無煙火冷灰忽豆爆三千世界簸粵自客歲孟冬暨
望以至節届上元曲指從頭數來看看九十日畢狀
而慎初護未原始要終首尾一如全無縫罅不叅禪
道佛法大家共樂無爲當場奪取錦標直下心空及
第雖狀如是且道不結不解向上還有事也無乃鑒
拂子云天上有星皆拱北人間無水不朝東

天童林野奇老和尚十周忌辰超凡知事領衆設供

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

上堂僧問初祖單傳直指人心見性成佛今日典善
上堂搖唇鼓舌作麼師云雲生嶺上月落澄潭進云
打鼓弄琵琶相逢兩作家祇如不動聲色還辭得麼
師云三千里外少知音進云恁麼則秦川八百獅子
吼大地龍象盡皈依去也師云咄哩嘛哪乃云衆微
互一性相融通充塞古今隱顯不二遂蓦鑒拂子云
大眾還委悉麼復作○相云箇裏若言有生有滅特
地乖張或謂無欠無餘轉見漏逗直饒來不可抑去
無所追猶未是向上巴鼻末後牢關何也不起滅盡
定而現諸威儀不捨凡夫法而圓諸聖行如向這裏

薦得便見天童先師苟或未狀下座至真前拈香兩
彩一賽上供竟指真云只這闡提老倒法門至惡遺
殃不肖之子更毒極情證父攘羊道大誰當辨的機
深不自忖量藉沒拈花正厭濟宗一派縹長電捲星
馳今滔天作畧金聲玉振今擲地風光十季晏寂天
童塢四海雄濤潑太倉今者興善幸逢作忌謹具蘋
蘩之儀聊申供養不爲酬恩報德貴要整復頽綱遂
召衆云且道頽綱作麼生整香爇一爐瞻九拜明月
清風曉夜涼

無際禪人生日請上堂久不陞堂顯正宗藥山之道

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

有遺風淮南禪者勤伸請錦上添花又一重時當季
夏末旬之初炎焚爍石燎空蒸鬱流金鼎沸處處槐
庭脫巾避暑人人啓戶揮塵尋涼伏火催詩蟬螢聒
耳正恁麼時薰風自南來掀翻父母未生前面目畏
日從東出照徹見聞知覺根源卽此會悟無生觸境
隨緣不變所以僧問洞山寒暑到來如何廻避山云
何不向無寒暑處廻避僧云如何是無寒暑處山云
寒時寒殺閻黎熱時熱殺閻黎召大衆云如向這裏
會得觸境不昧性相圓融知恩報恩時時奉重苟或
未狀三冬向煖火九夏取風涼

超凡知事領長安衆居士設齋請上堂師云蟬聲聒
噪秋色離披月皎長空香飄丹桂明明生佛已前了
了見聞不昧古人從此打失鼻孔可惜而今寂寥山
僧到這裏固是分疎不下未識諸人以爲何如試檢
點看擊拂子下座

中元日上堂金鏡影動寶劍光寒逼塞虛空貫通今
古是以究一真而莫測極諸法以無餘絕凡聖之名
模出語默之徑路性相平等神機活狀所以昔有老
宿一夏已來並不爲師僧說話有僧自歎云我只與
麼空過一夏不敢望和尚說佛法得聞正因二字也

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

無

寶

得老宿聊聞乃云閻黎莫誓速若論正因一字也無
與麼道了叩齒云適來無端不合與麼道隣壁有老
宿聞乃云好一金羨被兩顆鼠糞汚郤可謂本正則
無正這老宿雖則激濁揚清全體大用仔細看來
也是泥裏洗土塊典善一夏已來四方雲集竟不論
正因及於有無但只餓來喫飯倦卽打眠熱則乘涼
隨緣自在雖狀祇如一夏至今九十日圓滿明得甚
麼邊事突出虛空搏妙翅踏翻滄海起游龍

長安大興善寺語錄卷

雲峩喜禪師住風穴後錄

佛成道日上堂離婬有意徒使白浪滔天罔象無心
明珠忽狀在掌當機覲露本自圓成不落功勲豈從
外得所以吾佛世尊未離兜率已降皇宮未出母胎
度人已畢狀雖如是且道正覺山前臘月八夜覲明
星豁狀大悟又作麼生以拂子劃圓相云雲收萬里
草坡淨一點無私照古今

禪師誕日若愚領衆請上堂僧問鉗鎚高舉卽不問鐵
樹開花事如何師云地肥茄子大進云瓊枝遶動天
關轉綠葉飄時地軸搖師云總不見此兒進云恁麼

則和盤托出增光彩普利人天鎮斯時師云放汝三十棒乃云東風緩逐晚雲輕滿目晴光春色明嫩柳妍花紅鬪綠鶯啼燕語話無生所以道欲識佛性義當觀時節因緣時節若至其理自彰於此會得便見父母未生前面目了知當人本命元辰用處聲色純真舉時乾坤獨露物物頭頭顯示衲僧巴鼻塵塵刹刹摠是佛祖家風是以人天共本凡聖同元物我一如心境不二得非天地與我同根萬物與我一體者聊喝一喝卓一卓下座

上元解制小參南尋諸友可惜艸鞋絕學高流虛消

歲月二途不步平地契交打點將來失卻鼻孔且道作麼生得恰好去良久云凝團撲破情何及諸見空時理莫窮南岳五臺從去在桃紅李白笑春風

結制晚參塵劫來事只在如今如今不了更經塵劫乃召衆云諸禪德且道作麼生了去良久云還會麼頭頂天腳踏地三千里外絕諸訛眼見色耳聞聲二六時中觀自在處處壁立萬仞頭頭不着纖埃百市千重貫通今古這裏見得何妨拖泥帶水渾俗和尚智照圓明全體獨露雖狀祇如雲門大師道觀世音菩薩將錢來買胡餅放下手元來卻是饅頭又作麼

生會幕拈拄杖擊禪床云當陽薦取來時路策轉青
藜信步歸便下座

上堂師云諸方十月十五結制風穴仲冬初一開爐
雖則遲早不等也應柴炭俱備珍重挑灰弄火大家
惜取鬚髮贏得一團和氣隨緣日用皆如雲來同甘
寂寞清貧快樂有餘坐臥經行自適搬柴運水無拘
校之朱門富貴林下道人迥殊遂左右顧衆云且道
林下道人有甚麼長處踏翻關榦生涯別不愧堂堂
大丈夫

解制小參過去諸如來駕馬休征忘功罷業坐治太

平隨聲便喝現在諸菩薩戈甲隨身開天闢地血戰
沙場便喝未來修學人各負良能皆呈妙手大家依
樣畫葫蘆便喝這一隊漢若不遇山僧收伏將來幾
乎分疆裂界獨守方隅割截虛空徒以自守狀雖如
是且道風穴這裏四來禪衆雲水高流三冬告圓一
期果滿又作麼生顰蹙豎拂子云隴頭春逼梅拋玉
溪上風催柳吐金喝一喝下座

上元解期上堂師乃云一夥白面禿頭虫問水尋山
訪性踪不在他方求住止郤來風穴伴殘冬荳腐饅
頭小米飯粗飽安狀笑展容富貴滿爐燒骨拙大家

相向煖烘烘一團和氣好消息幾箇知音就裏窮現成公案都不會妄想狐疑暗用工黑山鬼窟排身入摸著根源兩手空回首忽覩燈明佛放光動地深天紅乘時要賞元宵節打開布袋任渠儂遂以拂子敲空又擊禪床云瑣瑣瑣黎端見下座

上堂師乃以拂子作○相云若向這裏薦得便見父母未生前面目苟或未狀牽枝引蔓再打葛藤去也鐘鼓喧騰群生聳耳主賓醉唱海衆翹勤不落聲色見聞突出當人面目了無生住異滅會取本命元辰澄澄絕照法法圓明卽此便見人天共本凡聖同源

物我一如心境不二狀雖如是且道如何是父母未生前一着萬里風雲寒色重紛紛雨雪戰春光擊拂子

知還都寺舍白書記圓蒲知客德安守賢侍者同向南方請大藏回上堂拈香祝聖罷敷座云開口成雙概無言落二三除卻兩頭不居中道如有作家衲僧試出衆道看僧問大藏法寶還有一口氣轉得也無師云問處甚分明進云佛說三藏法元爲一切心若無一切心佛法向甚麼處着師云是山皆有寺何處不爲家進云大海波心瀑流不息師便打問若論此

1 2 3 4 5 6 7 8 9 10 11 12 13 14 15 16 17 18 19 20

撰述

事既上着毛早已錯過如何有三藏十二部師薦堅
拄杖云速道進云猶轉第二藏也師云你道第一藏
看僧便喝師便打乃云原夫先聖於無量劫中勤苦
受盡了悟真常所得祕要法門甚爲稀有承無漏根
力唱道鷄園騰芳鷲嶺四十九季二百餘會鼓舌搖
唇橫揮豎抹談說三藏一切修多羅教謂之建法幢
立宗旨東流震日西紹迦維衣被一切衆生洞達群
靈心府盡未來際永證菩提狀雖如是且道此一段
奇特因緣向甚處得來蓦豎拂子云要知盡從這裏
出何也豈不見道一切諸佛及諸佛法阿耨多羅三

藐三菩提皆從此經出左右顧衆云且道此經又從
甚處出良久云還會麼如其會得方知日用二六時
中着衣喫飯阿屎放尿折旋俯仰俱是諸佛如來法
藏三昧海脫或未狀向第二義打之達互相熟嘴去
也乃叙事畢復云祇如祖師道三世諸佛是奴婢一
大藏教是涕唾又作麼生碧天明月流光遠大地江
河入海長卓拄杖下座

解制上堂師云時逢上元之際恰遇林下解制昨歲
孟冬聚首看看九十日畢光陰迅速何憑於戲如駒
過隙諸方浩浩談禪風穴法無滋味搬柴遠上高峯

歸來汗流脊背脫粟飯與饅頭一飽喧眠熟睡幸不見神見鬼依舊眉橫鼻直滿肚妄想紛飛尖斗量之不及大侶雪點紅爐空取了無巴鼻於此若解承當便是心空及第正潛麼時大家念箇蘇嚕蘇嚕唸唸唸以拂子敲禪床云還委悉麼信手擊開不二門從君出入無迴避

修建水陸會衆請上堂師云宏機普應正體湛狀大用全提隱顯莫測諸佛以此津濟四生而慈心廣被菩薩以此梯航九有而悲智圓明等閑收放縱橫一段真歸掌握神功如乾坤之覆載化育若日月之照

臨光含萬象無遺福庇群生有賴由是或現三三頭六臂摧伏魔軍或示萬別千差成就正覺難思妙德利物何窮所以道淨法界身本無出沒大悲願力示現受生狀雖如是且道法會告圓離苦得樂一句又作麼生薦拈拄杖卓云杖頭雨雪無層數買得春光不用錢

上堂雨霽春光艸木榮山花啼鳥話無生覺天風月成何事千載流芳化育清恁麼則物物頭頭包含法界塵塵刹刹普現全身當機指作司南徹底了無向背正所謂淨法界身本無出沒大悲願力示現受生

便能巨闢重關單捉獨弄作人天之正眼實佛祖之良模照用同時隱顯自在狀雖如是且不落夤緣一句作麼生道心地不栽閑艸木滿途荆棘綻蓮華一

穴後錄終

問答入室機緣

元一問如何是先照後用師云運籌帷幄中央勝千里外進云如何是先用後照師云研郤月中桂清光倍更多進云如何是照用同時師云金翅鶻海直取龍吞進云如何是照用不同時師云華山圖蹟上潘闡倒騎驢

僧問如何是清淨法身師云東司籌子念摩訶僧云即是吾師云這齷齪鬼

僧問事存函蓋合理應箭鋒枉爲甚麼天傾東南地傾西北師云差之毫釐失之千里僧云某甲把斷要

津去也師云漏逗了也僧禮拜師與當頭一踢

僧問三世諸佛不知有狸奴白牯卻知有請問知有箇甚麼師云吾常於此切僧云某甲爲甚麼不知師云汝喫粥了也未僧云喫了師云又道不知

晚參師舉僧問雲門學人不起一念時還有過也無門云須彌山意旨如何超越云嶮貫一云撼搖不動養心云撐天拄地參退師卽一齊榜出法堂前乃鳴鑼集衆命三僧端容班立上位師便大展坐具將欲禮拜三僧俱驚怖迴避師笑云將謂有險峻之機撐天拄地撼搖不動元來只如此便一齊掌退歸方丈

悟元率中隱微三僧掛搭次謝單師問云汝等是身進堂耶是心進堂耶僧俱無語師勵聲正色曰你們主人公也不會帶得來如何要到我這裏住僧皆悚狀班拜一齊胡跪師遂以拂子點云南無佛陀耶南無達摩耶南無僧伽耶復鳴指一下歸方丈

凌司李叅師云莫便是十如居士麼荅云是師卽欄胸擣住云覲面相逢一句速道速道士詠狀師云不是士云太鹵莽生師云賺我來賺我來良久復問向聞居士留心箇中士云元不會師云幸值不會若曾三十棒一棒也不饒士云且道棒頭有眼無眼

師云山僧今日不打你在土云要且無下手處師云不知痛癢漢士無語

問林我知藏依經解義三世佛冤離經一字卽同魔說且不卽不離意旨如何林云特來禮拜和尚師云躲跟禪和林便拜師卽打出

晚參師垂問云適纔達磨大師從少林來被趙州蓦面一指走入柏樹子裏去也汝等諸人作麼生救取他出來衆下語不契師云山僧救他去也便一齊掌退歸方丈遂問侍者云大衆救不得汝等試救看云印近前作聽勢蓮萼云蒼天蒼天慧生云相隨來也

師晒之

僧求開示師云汝未進山門時頭頭頂住青天今進山門了步步踢着實地僧云學人不會師云幸汝不會若會山僧卽無藏身處

問徹維那趙州道昨夜三更文殊普賢相打各與三十棒趕出且道是賞他是罰他徹云賞罰分明師云鄭州出曹門徹纔禮拜師卽打出

問福侍者明月在天影涵衆水是甚麼消息福云照天照地師云換卻你眼睛福卽抽身出方丈師云憐生

問玄印如何是一喝不作一喝用印云放和尚三十
棒師云山僧過在甚麼處印云再犯不容師云如何
是一喝不作一喝用鑿印擬議師云汝適纔道過了
也乃直打出

問耕畲舉一不得舉二放過一著落在第二放過卽
不問且道一如何舉畲無語師打出方丈

問斷峯如何是賓中王峯從東過西師云如何是王
中賓峯又從西過東師云賓王相逢合談何事峯便
禮拜師便打出

問玄默路逢達道人不將語默對將甚麼對玄便喝
師云不是達道人玄云那箇是道師便喝玄便禮拜
師直打出

問真副寺至道無難唯嫌揀擇爲甚醜底卽喜淡底
卽厭真云少他一點不得師云是甚麼人境界進云
嶽邊頓落千山勢海上消歸萬派聲便禮拜師便打
師拈拄杖問均濟云若喚作色塞郤你眼卓云若喚
作聲塞郤你耳不落聲色你作麼生道濟便喝師云
落聲色了也濟便抽身出方丈師隨後便打

問慧泉如何是佛殿裏的如何是佛麻三斤如何是
佛杖林山下竹筋鞭此三轉語你道那一語親慧豎

拳云與這箇無二無別師云錯慧便喝師云納敗關漢慧云莫誇他好師打云却是你誇我

問煙樹聲前薦得箭過新羅句後承當刻舟記劍不涉二途你作麼生道樹便禮拜師云衆跟漢樹便喝師卽打出

師拈拄杖問僧云聞聲悟道見色明心乃豎起云這箇是色那箇是心僧便拜師卓一卓云這箇是聲那箇是道僧喝師云要知除去聲色悟迷始得

問慧生有一人在萬丈枯井裏不假寸繩作麼生出得慧便喝師云恁麼在金剛水際埋沒了也慧抽身

便出師隨後便棒

問虎堂二邊不著中道不居你向甚麼處安身立命堂便禮拜師云無地頭漢堂便喝師便打出

僧問如何是奪人不奪境師云臨崖看滌眼特地一場愁僧云如何是奪境不奪人師云夜來風雨姍花落有誰知僧云如何是人境俱奪師云天子一怒伏尸萬里僧云如何是人境俱不奪師云垂衣皇化野老謳歌

問光明僧如何是你眼光僧指眼師云如何是你耳光僧指耳師云色身敗壞時光在甚麼處僧便禮拜

師打云向這裏照天照地去也

問僧近離甚處僧云五臺來師云文殊爲你說甚麼法僧云穿衣喫飯師云四大分散時穿喫箇甚麼僧喝師云鼓粥飯氣僧擬議師云裨販菩薩者罪不容誅僧云應無所住而生其心未審是那箇心師云露也僧云在甚處師云沒了也

指極禪人領衆同叅師問近從那邊過來極云楊山來師云楊山幾時解制極云正月十五師遂舉如意云你從結制以來腳跟下曾踢著這箇麼極擬議師便打復問叅衆適纔錯打這上座入地獄如箭射汝

諸人還救得山僧麼衆無語師云旣無人救得山僧自救去也以拄杖一齊打出

一日僧口王偈師云汝那裏討來底僧云學人自作底師云木人騎馬過西天且道那邊有甚麼事僧云特來請問和尚師以手指云過者邊著僧卽從西過東師云會麼僧云不會師云是汝自作底爲甚麼不會亂統禪和便打出

僧問靈苗瑞艸爲甚麼野父愁耘師云好事不如無僧云學人一拳打破虛空向甚麼處藏身師云費力不少

呂堂問喚作虛空則觸不喚作虛空則背不觸不背畢竟喚作甚麼師云合取兩片皮空纔擬議師拈棒直打出方丈

淨白問大地無寸土學人從甚麼處來師云你卽今在甚麼處白便喝師云胡喝亂喝白無語師便打蕭居士求開示師乃敲禪床云會麼士云不會師云若不會山僧更與下箇註腳遂進禪床一帀士云某甲亦隨和尚一步步去師云獅子咬人韓盧逐塊師與觀察憹嶠張公茶話次公曰若論箇中事本自現成到這裏吾爲甚麼不知師曰不知者卽良知也

蓋無知而無所不知耳但能一念回光體會源頭明白則道無不在矣故曰一陰一陽之謂道繼之者善也成之者性也仁者見之謂之仁智者見之謂之智百姓日用而不知故君子之道鮮矣公曰吾固不知請師指教師曰檀越貴姓公曰賤姓張師曰居士元來卻知公乃快狀肯首師曰三千里外絕請訛

師一日因侍御李公偕內翰松谷張公相訪坐喜公池李日學生爲此事不明今特叅承座下請師不倦垂誨師舉起如意曰會麼李日不會師曰覩面相呈爲甚麼不會李日狀隱微之妙理未足以聲色形容

也師曰檀越高論畧違貴教之本旨李曰何謂耶師曰不見道潛雖伏矣亦孔之昭乎李曰如何卽是張曰據吾所見則無處不是師曰是箇甚麼張乃顧李公相笑師曰眼眼相覩此事竟不致於隱諱矣李曰如何下手師卽與二公長揖而別

湛狀禪人請益云諸佛智慧甚深無量其智慧門難解難入一切聲聞辟支佛所不能知乞和尚方便開示師云諸佛智慧者卽當人之自性也何遠乎哉此性圓固無縫罅收放絕行藏正所謂絕是非之端超思議之表得非甚深無量者耶纔作與麼見解則不

能入不能知耳所以道無門卽解脫之門無路乃道人之路備矣故日昨與公相見時山僧卽問大德向來高隱何處公答曰牛家集吉祥菴山僧曰業何所爲公答曰凡有往來者隨分結緣山僧曰忽狀撞著箇銅頭鏃額漢來汝作麼生管待公彼時無對就向這裏若透得去可謂功不浪施其或未狀更與拈出箇事元來無狀名豈能詮註論跋親頭頭應用無虧缺處處縱橫本現成隱顯翛然從去住高低豁爾絕危平芥中元納須彌在莫謂須彌納芥身

卷之三

一一

中天晚樂譜言莫曉深歎絕矣
張氏歌題猶存高祖帝歌傳
聖子不無其音符當歸備祀
歌裏昔教齊士百韻真不虛蘇其近未相更興林山
自隱退避蕭何亦知其是晉齊公列郭班惟深
人答曰孔丘昔教沐齋衣冠齊山曾曰惠人並齊
之音傳於後各皆曰布塞東吉南春山曾曰美南
人之報都天祐昌黎襄公沐泉秋山曾曰唐人皆謂
而人不詣歌耳故以龍飛門唱歌銀之門無歌人也

拈古

舉世尊初生一手指天一手指地周行七步目顧四方云天上天下唯吾獨尊後雲門云我當時若見一棒打殺與狗子喫貴圖天太平

拈云世尊不解覆藏惹得雲門眼熱
舉世尊於靈山會上拈花獨迦葉微笑

括云世尊具擎龍之手迦葉有陷虎之機狀雖父爲子隱子爲父隱要且謾他百萬人天一點不得舉世尊臨涅槃時以手摩胸告衆云汝等善觀吾紫磨金色之身瞻仰取足無令後悔時人天百萬悉皆

領悟

拈云這老倒一生出乖露醜抵死猶自不知羞當時若遇山僧在會便乃和聲推倒喝散大衆免致累及這一夥墮在聲色裏直至如今出不得舉世尊因外道手握活雀兒問云爲死爲活世尊以足跨門限云你道我欲出欲入

拈云世尊被外道一問至今出入不得外道被世尊一擒便乃收放莫由有人救得這兩箇漢便請下一轉語

舉殃崛托鉢至一長者家其家婦人正值產難子母

未分長者云瞿曇弟子汝爲至聖當有何法能免產難殃崛語長者云我乍入道未知此法待我回問世尊卻來相報及返具事白佛佛告殃崛汝速去報言我自從賢聖法來未曾殺生殃崛奉佛語卽往告之其婦得聞卽免產難

拈云殃崛回問世尊往來辛苦婦聞當下分娩母子一雙且道我自賢聖法來未曾殺生又且如何話會水向石邊流出冷風從花裏過來香作小乘

拈云尊宿與麼道只見錐頭利不見鑿頭方殊不知不因漁父引爭得見波濤

舉香嚴初開法鴻山令人送書並拄杖至嚴接得便哭蒼天蒼天僧云和尚爲甚如此師云祇爲春行秋令

拈云鴻山送拄杖兵隨印轉香嚴接得便哭將逐符行且道春行秋令意旨如何舌頭無骨

舉法眼示衆云這裏聚集少時爲上座僧堂裏這裏聚集少時爲上座三門頭這裏聚集少時爲上座寮舍裏爲復說上座過別有道理會下有數尊宿對一

人云諸佛出世也有這箇方便一人云今日離章義一人云你道他爲人在甚麼處一人云點燈等上座多時也一人云甚麼處聚集來

拈云法眼老漢只顧掩耳偷鈴殊不知傍觀者哂諸尊宿雖則孟春猶寒仲夏毒熱簡點將來盡是隨搜撒漢且道普濟又作麼生煙雨盜將山色去溪風送出水聲來

舉南泉云文殊普賢昨夜三更相打每人與二十棒趕出了也趙州云和尚棒教阿誰喫泉云王老師過在甚麼處州乃作禮

17012345678918012345678919012345678

撰述

書言錄卷一

拈云南泉問罪依贓趙州據欵結案若到風穴門
下教他自領出去何故罪不重科
舉疎山因院主造塔畢來白山山云汝將多少錢與
匠人王云一切在和尚山云爲將三文錢與匠人爲
將兩文錢與匠人爲將一文錢與匠人若道得與吾
親造塔王無語後舉侶大嶺嶺云還有人道得麼王
云未有人道得嶺云汝回舉侶疎山道大嶺云若將
三文錢與匠人和尚今生決定不得塔若將兩文錢
與匠人和尚與匠人共垂一隻手若將一文錢與匠
人累他匠人眉鬚墮落王回舉侶疎山山具威儀望

大嶺禮拜嘆云大嶺古佛放光射至此間雖狀如是
也是臘月蓮花大嶺後聞此語云我恁麼道也是龜
毛長數丈

拈云院主雖與造塔勞而無功疎山不解還錢徒
爲算數當時若是風穴待問汝將多少錢與匠人
向他道分文不直不唯絕累大嶺不了抑免疎山
尸骸徧地狀雖如是且臘月蓮花龜毛長數丈又
作麼生蠅牛頭角兩丫叉

舉馬祖因僧問離四句絕百非請師直指西來意祖
云我今日勞倦不能爲汝說問取智藏去公案

拈云諸方盡謂這僧錯過馬師父子枉費自家艸
鞋殊不知馬師父子鼻孔俱落在這僧手裏具眼
者試辨看

舉趙州因僧問皓月當空時如何州云猶是塔下漢
僧云請師接上塔州云月落後相見

拈云透生死關方能高超物表秉殺活劍始可接
物利生這僧若不遇趙州一向扶籬摸壁帶鎖擔
枷狀雖如是且道月落後又作麼生相見水歸大
海波濤淨雲到蒼梧氣象閒

舉鴻山坐次仰山從方丈前過山云若是百丈先師

子須喫痛棒始得仰云今日事作麼生山云合取兩
片皮有分仰云此恩難報山云非子不才老僧季遇
仰云今日親見百丈師翁山云向甚麼句中見先師
仰云不道見只是無別山云始終作家

拈云鴻仰父子可謂動絃別曲葉落知秋線去絲
來機輪活脫當此之際且作麼生是他得見百丈
師翁處野色更無山隔斷天光直與水相通

舉長生問靈雲混沌未分時如何靈云露柱懷胎生
云分後如何靈云如片雲點太清生云未審太清還
受點也無靈不對生云恁麼則含生不來也靈亦不

對生云直得純清絕點時如何靈曰猶是真常流注
生云如何是真常流注靈曰併鏡常明生云未審向
上還有事也無靈曰有生云如何是向上事靈曰打
破鏡來與子相見

拈云長生玄關深鎖靈雲八字打開直得古今洞
明纖塵不隔狀雖如此猶未是向上巴鼻在且作
麼生是向上巴鼻路遠夜長休把火大家吹滅暗
中行

舉南泉示衆云法身還具四大不有人道得與他一
腰視道吾云性地非空空非性地此是地大三大亦

狀泉不違前語與視一腰

拈云南泉雖則不食前言要且不是好心道吾羸
得一腰視竟不知著賊風穴當時若在但道請和
尚歸方丈喫茶不唯契他南泉亦免互相鉗置
舉五祖因僧問一大藏教是箇切腳未審切箇甚麼
字祖云鉢羅娘

拈云這僧切腳頗真其奈五祖還字未的郤把音
和之門切作麻韻不定風穴又且不狀一大藏教
是箇切腳未審切箇甚麼字劈脊便棒何謂如此
豈不見道有聲韻中直取見形篇內活擎

舉國師三喚侍者三應師云將謂吾辜負汝卻是汝
辜負吾

拈云國師三喚竹影掃堵塵不動侍者三應月穿
潭底水無痕且道負汝負吾又作麼生啼得血流
無用處不如緘口過殘春

舉天皇因龍潭問某甲自來不蒙指示心要皇云自
汝到來未嘗不指示汝心要潭云何處指示皇云汝
擎茶來吾與汝接汝行食來吾與汝受汝和南時吾
便低頭何處不指示汝心要潭佇思閒皇云直下便
見擬思卽差潭當下有省復問如何保任皇云任性

逍遙隨緣自在但盡凡情別無聖解

拈云天皇雖有打破虛空底鉗鎌且無補綴陰陽
底針線只今若問風穴如何保任卽喚云闍黎侍
伊應喏向道歸堂喫茶去

舉芙蓉楷侍投子遊園子度拄杖與楷楷便隨行子
云理合與麼楷云與和尚提鞋挈杖不爲分外子云
有同行在楷云那一人不受教子休去至晚問楷早
來說話未盡在楷云請和尚舉子云卯生日戌生月
楷卽點燈來子云汝上來下去總不徒狀楷云在和
尚左右理合如此子云奴兒婢子誰家屋裏無楷云

和尚季尊缺他不可子云得與麼殷勤楷云報恩有分

拈云明投暗合玉轉珠回賓主和同不無洞達狀
則曹洞門下足可觀光若據臨濟兒孫箆硬拄杖
未肯放過在何也那邊不住空王殿爭肯耘田向

日輪

舉神藏示衆云知而無知不是無知而說無知南泉
云與麼依師道始得一半黃檗運云不是南泉駁他
要圓前話

拈云潑油救火渾閒事雪上加霜愁殺人

舉藥山坐次有僧問云兀兀地思量箇甚麼山云思
量箇不思量底僧云不思量底如何思量山云非思
量

拈云大小藥山被這僧拶著直至如今轉身不得
舉九峯希廣禪師首謁雲蓋智乃問興化打克賓意
旨如何智下禪床展兩手吐舌示之希打一坐具智
云此是風力所轉又問石霜琳琳云你意作麼生希
又打一坐具琳琳云好一坐具祇是不知落處又問真
淨淨云你意作麼生希又打一坐具淨云他打你也
打希於言下大悟

拈云九峯雖則三度令行到底不知坐具落處真淨道他打你也打正是金鑰莫辨玉石難分且道卽今還有辨得出底麼若辨得出生陷無間地獄其或未狀鶴有九臯難翥翼馬無千里謾追風舉西院思明禪師問保壽云蹋破化城來時如何壽云不斬死漢院云斬壽便打院連道十聲斬壽連聲打十棒趕出復云適來這僧將赤肉抵他乾棒有甚麼死急次有僧云某甲啓和尚問話底僧在大覺處來兩人同叅在這裏見解總與麼恐已後委悉和尚法道須是趕出一人若不趕出已後難得人承嗣壽

便趕出陳白這僧

拈云西院縱狀蹋破化城要且腳跟未得點地保壽雖則不斬死漢早已血濺梵天只如趕出陳白這僧意作麼生詎畧雙全多意氣安南塞北一齊收

舉翠微無學禪師因龍牙問自到和尚法席每每上堂不蒙一法不誨意在於何微云嫌箇甚麼牙後又問洞山山云爭恠得老僧後又問法眼眼云祖師來也雪竇云兩箇漢被這僧穿卻唯有法眼與他同叅拈云雪竇老漢祇具一隻眼只知兩箇漢被這僧

穿郤殊不知這僧被法眼穿郤
舉大慧拈竹籠問僧云喚作竹籠則觸不喚作竹籠
則背不得有語不得無語速道速道僧云甕裏怕走
郤鱉那慧下禪床擒住云此是誰語速道僧云實不
敢相謾是竹菴和尚教某甲恁麼道慧連打數棒云
分明舉併諸方

拈云大慧奮獅子之威檯驗破群狐肝膽這僧不合傳言送語甘代別人喫棒棒雖喫了還知大慧
老人爲人處也未

舉雙峯禪師不衆云進一步卽迷理退一步卽失事

饒你一向兀狀立又同無情時有僧問如何得不同
無情峯云動轉施爲僧云如何得不迷理失事去峯
云進一步退一步僧便作禮峯云向來有人與麼會
老僧不肯伊僧云請師直指峯便打出

拈云雙峯與麼施設可謂八面玲瓏十方自在祇
如未後一機還有知他落處底麼從前汗馬無人
識只要重論蓋代功

舉本仁示衆云尋常不欲向聲前色後鼓弄人家男
女何故且聲不是聲色不是色時有僧問如何是聲
不是聲仁云喚作色得麼僧云如何是色不是色仁

云喚作聲得麼僧作禮仁云且道爲汝說答汝話若人辨得有箇入處

拈云大小本仁只有湛水之波且無滔天之浪如何是聲不是聲枯木鳴寒鳥空山啼夜猿如何是色不是色紅入桃花嫩青歸柳陌新若人向這裏辨得與你一絅艸鞋

舉汾陽無業禪師云若有一絲毫頭凡聖情念未盡入驢胎馬腹裏去白雲端云直饒一絲毫頭凡聖情念頓盡亦未免入驢胎馬腹裏去瞎漢但恁麼會拈云識得汾陽坐殺閻黎識得白雲走殺閻黎直

饒你縱橫十字圓轉一機總是驢胎馬腹裏漢畢竟如何閒把一枝無孔笛夜深吹過汨羅彎

舉風穴沿在郢州衙內陞座云祖師心印狀侶鍊牛之機去卽印住住卽印破只如不去不住印卽是不印卽是時有盧陂長老出問某甲有鍊牛之機請師不搭印穴云慣釣鯨鯢沉巨浸郤差蛙步驟泥沙陂佇思穴喝云長老何不進語陂擬議穴打一拂子云還記得話頭麼試舉看陂擬開口穴又打一拂子牧主云佛法元來與王法一般穴云太守見箇甚麼道理牧主云當斷不斷返招其亂穴便下座

拈云沼祖雖是高提祖印縱奪當機簡點將來翻成鈍置當時待伊問某甲有鍛牛之機請師不搭印便與連棒打出不唯不被牧王看破亦免千古之下遭人簡點

舉深明二上座一日同行見捕魚忽一魚跳出網深云俊哉一侶箇衲僧相侶明云何侶當初不入網好深云明兄猶欠悟在明行三十里方省

拈云有般漢商量道這二上座一人附物顯理一人色前不物可謂同時應用各得其宜與麼見解苦哉苦哉殊不知正侶棋逢敵手琴遇知音既狀

如是因甚三十里後方省還會麼依俙侶曲纔堪聽又被風吹別調中

舉青原思問六祖當何所務卽不落階級祖云汝會作甚麼來思云聖諦亦不爲祖云落何階級思云聖諦尚不爲何階級之有祖深契之

拈云這二老漢前不攜村後不迭店

舉夾山叅船子子問垂絲千尺意在深潭離釣三寸子何不道山擬開口子便打山落水纔出又打石道山擬開口子又打山豁然大悟乃點頭二下子云竿頭絲線從君弄不犯清波意自殊山遂進問拋綸

擲釣師意如何子云絲懸漾水浮定有無之意速道
速道山云語帶玄而無路舌頭談而不談子云釣盡
江波金鱗始遇山乃掩耳子云如是如是

拈云劈口一橈全機喪盡點頭三下有理難伸還
知藏身處沒踪跡沒踪跡處莫藏身底麼乃靠拄
杖云月天雲度山頭影江國風生水面寒

舉凌行婆問浮杯盡力道不得底句分付阿誰杯云
浮杯無剩語婆云未到浮杯不妨疑著杯云更有長
處不妨拈出婆歛手哭云蒼天中更添怨苦杯無語
婆云語不知偏正理不識倒邪爲人則禍生後有僧

舉侶南泉泉云苦哉浮杯被這老婆摧折一上婆聞
得笑云王老師猶少機關在時有幽州澄一禪客詣
婆乃問南泉爲甚少機關婆哭云可悲可痛澄一罔
措婆云會麼一合掌而立婆云跌死禪和如麻侶栗
後澄一舉侶趙州州云我若見這臭老婆問教伊口
瘡一云未審和尚作麼生問伊州便打一二云爲甚卻
打某甲州云侶這般跌死禪和不打更待何時婆聞
卻云趙州合喫婆手中棒州聞得笑云可悲可痛婆
聞乃嘆云趙州眼光爍破四天下州聞得令人去問
云如何是趙州眼婆乃竪起拳僧回舉侶趙州州乃

有頌與婆云當機覲面提覲面當機疾報爾凌行婆哭聲何得失婆有頌答云哭聲師已曉已曉復誰知當時摩竭令幾喪目前機

拈云浮杯無語可謂頭正尾正凌婆不知天色徒忙風雲南泉父子雖則善識機宜正眼看來未出老婆見解風穴或有人問盡力道不得底句分付阿誰對曰待我驢季有箇悟處卽向你道管取聞者盡皆翹望

舉都尉李文和公公主貴降命三大宗師同日陞座末後葉縣橫拄杖就膝上勾作兩截便下座尉云作

家宗師手段終別縣云都尉也不得無過

拈云葉縣做處迥別都尉見得分明未審過在甚處若人辨得出罪犯彌天其或未狀也不得無過舉雪峯示衆云望州亭與汝相見了也烏石嶺與汝相見了也僧堂前與汝相見了也保福問鵝湖僧堂前相見且置望州亭烏石嶺甚麼處相見鵝湖驟步歸方丈保福入禪堂

拈云這一夥賣私鹽漢有甚懸據

舉南院因僧問從上古人見不盡處師還見也無院云握髮吐食人不顧滿朝盡道好周公僧向口上打

院云道者太煞瞎僧云有恁麼瞎老漢恁麼道院便打

拈云這僧險侶天關南院平如鏡面若據從上古人見不盡處二人俱未敢覩著何故聾瞎

舉芭蕉示衆云你有拄杖子我與你拄杖子你無拄杖子我奪郤拄杖子

拈云用盡自己心笑破他人口你有拄杖子我與你拄杖子畫蛇添足你無拄杖子我奪郤你拄杖子龜背刮毛既狀如此且作麼生是你拄杖子咄咄

舉雲門上堂大衆集定是大過患仔細簡點衆無對

門代云不用別人

拈云抱薪救火徒自燒身

舉龐居士問馬大師不與萬法爲侶者是甚麼人大師云待汝一口吸盡西江水卽向汝道

拈云龐公無處合伴馬祖覓箇還稀直至如今孤妻冷淡風穴則不狀不與萬法爲侶者是甚麼人泣露千般艸吟風一樣松向這裏見得便見古人落處脫或不狀待汝一口吸盡西江水卽向你道舉昔有一僧親近一老宿甚勤宿每見來卽揮手曰未在未在且去如是經久其僧中夜思惟曰並不蒙

一言開示祇管道我未在教我怎生奈何思量來思量去忽狀省得歡喜無量至明日上去見老宿宿見來便點頭曰是也是也

拈云這老宿只有順水推舟之作且無抽釘拔楔之能我此間若有來者卽點頭云是也是也待伊忽狀省得歡喜時便揮手曰未在未在且道與古人是同是別

舉玄沙上堂衆集遂將拄杖一時趣下郤回向侍者道我今作得一解險入地獄如箭射侍者云喜得和尚再復人身翠巖芝云大小玄沙前不構村後不迭

店且作麼生道得出身之路

拈云鉤在不疑之地

舉盤山墮語云若言卽心是佛今時未入玄微若言非心非佛亦未是指宗極則

拈云大小盤山只知收拾鼻孔不覺裂破舌頭

舉雲門示衆云天地之內宇宙之間中有一寶祇在形山拈燈籠向佛殿裏將三門來燈籠上作麼生代云逐物意移

拈云截得他人腳跟失卻自己鼻孔

舉乾峯示衆云舉一不得舉二放過一着落在第二

雲門出衆曰昨日有人從天台來郤往徑山去

拈云乾峯頭上是天雲門脚下是地雖則函蓋乾坤各與三十桺樑忽有箇傍不甘底出來道和尚恁麼盲加瞎棒亦好與三十桺樑知我罪我我何辭焉

舉雲門一日舉有爲無三世無爲有三世有爲是斷滅法何處得三世無爲有三世不是守寂滅處法拈云動則埋根千丈不動則當處生苗咄是何言歟

舉乾峯因僧問十方薄伽梵一路涅槃門未審路頭

在甚麼處峯以拄杖劃一劃云在這裏僧又問雲門門拈起扇子云扇子跨跳上三十三天築著帝釋鼻孔東海鯉魚打一棒兩併盆傾會麼

拈云乾峯曲不藏直雲門直不藏曲狀而曲直不同大都路頭不別忽有人問如何是不別底路頭但向道漆桶叅堂去

舉雲門一日行次以拄杖打露柱一下云甚麼處來自云西天來復云來這裏作甚麼自云說佛法乃喝云欺我唐土人又以拄杖子打一下便行

拈云笑殺傍觀

舉太史黃庭堅一日參黃龍心禪師求入道捷徑心
云祇如仲尼道二三子以我爲隱乎吾無隱乎爾太
史尋常如何理論史擬對心云不是不是史迷悶不
已一日侍心山行桂花盛開心云聞桂花香麼史云
聞心云吾無隱乎爾史遂有省

拈云黃太史好箇嬾生鼻孔郤被黃龍加向高高
挂在木樨樹上直至而今風吹日炙

舉法華經云大通智勝佛十劫坐道場佛注現前
不得成佛道

拈云幸自無瘡勿傷之也

舉南泉翫月次趙州指月云幾時得佢恁麼泉云王
老師二十季前曾恁麼來州云只今作麼生泉便歸
方丈

拈云昭昭而溢目騰輝何假神通之顯現晃晃而
無塵不透豈勞妙辨之敷揚翫時既不容取次觀
光鑑處那許安排著彩且風流公子翫賞佳人到
此又作麼生著眼絃絕聲消人去後高山流水至
如今

舉三聖狀禪師參德山纔展坐具山云不用展炊單
我這裏無殘羹餽飯狀云賴遇無設有亦無著處山

便打狀接住推倒向禪床上山大笑狀哭蒼天出去
拈云苟子之不欲雖賞之不竊。

舉茱萸因趙州上法堂東覲西覲萸乃問作甚麼州
云探水萸云我這裏一滴也無探箇甚麼州遂將拄
杖靠壁而出

拈云趙州雖解探水要且不識淺深茱萸一滴也
無早已沒頭浸郤還知趙州靠拄杖而出麼唵悉
唎嘛囉薩訶

舉雲門示衆云你若實未得箇入處三世諸佛在你
腳跟下一大藏教在你舌頭上且向葛藤處會取圓

悟云崇寧土上加泥敢道直得渙山水牯觸殺東海
鯉魚陝府鍊牛吞郤嘉州大象

拈云俊哉若非崇寧放出渙山水牯趕起陝府鍊
牛踢碎雲門葛藤天下衲僧幾被繫絆到驢季未
有自由分

舉曹山云莫行心處路不挂本來衣何須正恁麼切
忌未生時

拈云當門切莫栽荆棘後代兒孫惹著衣

舉普化居常入市振鐸云明頭來明頭打暗頭來暗
頭打四方八面來旋風打虛空來連架打一日臨濟

令僧捉住云總不恁麼來時如何化托開云來日大
悲院裏有齊僧回舉併濟濟云我從來疑著這漢
拈云普化好箇無孔鎌鉗被臨濟一拶百雜碎是
汝諸人還知落處麼

舉修山主云是柱不見柱非在不見柱是非已去了
是非裏薦取

拈云風穴當時若見便呵呵大笑管使修山主羞
慚無地

頌古

世尊摩胸告衆

霜嚴歲盡冷沉沉萬象無聲臥凍雲總使春光能
入目看來何俗舊季春

舉雲門上堂大衆集定是大過患仔細箇點衆無對
自代云不用別人

可憐罪重覓根源眼底生涯望得穿回首夕陽何
處是捶胸還自哭蒼天

舉九峯因僧問十二時中如何合道峯曰無心合道
僧曰畢竟如何峯曰土上覓泥由自可波中求水實

堪悲

青山如畫勢參差看到黃昏睡已遲一夜西風吹
古木天明滿地拾柴枝

舉盤山示衆三界無法何處求心四大本空佛依何
任璣璣不動寂爾無言覩面相呈更無餘事珍重

江上漁翁把釣垂生涯隨處不須歸夜深月下眠

清夢風壓輕雲貼水飛

女子出定

一亘長空雨霽時綠楊深處臥閒狸數聲啼鳥驚
回夢流水青山信不移

善財採藥

信手拈來藥味全不同甘艸與黃連文殊用處多
靈驗一劑沾唇百病痊

二祖斷臂

好肉無瘡莫去剜少林立雪也無端直饒覓得安
心法徒使娘生一臂殘

臨濟入門便喝

不打諸方口鼓禪深居丈室有威權相逢拈出吹
毛劍幾箇如今性命全

臨濟二頓棒

雷轟電掣雨如傾錦鯉連遭點額頻躍過禹門三汲浪翻江攬海動乾坤

趙州訪二庵主

等閒拽杖過山腰問柳尋花一樣嬌無限春光俱蹋碎歸來始覺自身勞

黃桀因裴相國托佛求安名

不知何姓覓安名驀地當頭喚一聲八字打開全體露至今無處可藏身

南泉因陸亘大夫舉天地同根話

春到人間艸木知桃紅柳綠盡同時劉郎一去春

歸也徒使遊蜂戀舊枝

雪峯示衆云南山有一條鱉鼻蛇

無端放出赤班蛇頭角崢嶸氣宇奢獨有韶陽弄得活滿堂遭害奈何他

南嶽讓參曹溪

甚麼物兮恁麼來空到曹溪走一回六載依狀呈舊面燈籠露柱笑哈哈

典化打克賓

聚首相逢幾度春一朝分袂過西秦臨行更贈一盃酒此去從教憶故人

楞嚴經云若同見者名爲見吾吾不見時何不見吾
不見之處若見不見自狀非彼不見之相若不見吾
不見之地自狀非物云何非汝

明歷歷黑漫漫見兮不見兩頭關須知結角羅紋
處莫把封皮作信看

諸可還者自狀非汝不汝還者非汝而誰

不汝還兮是甚麼桂輪孤朗映山河寒光乍見沉
西壁時復東峯挂薜蘿

七處微心

微心心不遂七處無巴鼻帶累老瞿曇腳跟未點

地

入還辨見

老農浪跡江湖外買賣經營竟不賒貨利一朝花
費了歸來仍作舊生涯

經首題灭字

造化虛含天地周春歸艸木蔚綢繆濃煙澹抹風
光美啼鳥一聲山更幽

圓覺經一切障礙卽究竟覺

丹爐誰識鑛中金糞掃堆頭色轉新巨海翻波波
卽水應知笑臉是愁人

金剛經應如是住如是降伏其心

等閒無事引壺觴愛學陶公興趣長自酌自吟還
自醉從教披髮樂清狂

應無所住而生其心

翠竹蒼煙襯釣磯乘閑兀坐渾忘機萬里寒光憐
月白夜深無睡露侵衣

華嚴經菩薩以菩提心爲家以如理修行爲家法

綠楊堪繫五湖舟袖拂東風上酒樓試把琴書從
性樂相將花下醉時休

讚偈

大悲觀世音讚

碧玉岩前風月清蒲團誰道等閒身白雲淡蕩兮或
舒或卷瞻仰取足兮離相離名要見圓通真面目五
更雞唱一聲聲

紫竹觀音二首

惟石孤雲紫竹叢笑看鸚鵡下長空善財參遍無尋
處莫在渠儂耳竅中慈悲願海度生切極盡神通施妙訣隨類現形要逗
機尋聲救苦令欣悅竹間奏籟洞圓聞石上觀心悟

未徹莫恠相逢痛下錐阿誰教你到風穴

過海觀音

慈航倒駕一枝蓮浩渺洪波勢拍天聽罷潮音誰識
我善財眼底獨迴圓

達磨

親對梁王道箇不識摘蘆過江無處迴避咦少林面
壁絕追攀楊子江心波浪急

布袋和尚

可憐落魄長汀老一袋深藏萬物稠攤向街頭人不
識依前骨董自家收

幻有老和尚

坐斷禹門半神浩蕩月皎長空光吞群象海印圓明
何物可況蓋古通今超情越量咄你是阿誰笑指山
橫一抹煙鵝鴨啼處林花放

密雲老和尚

三首

龍池嫡子臨濟達孫心龕胆大凌篾宗乘披三玄戈
甲具四種王賓握金剛王寶劍截斷衲子命根道大
德備而殺佛殺祖義絕情忘而知恩報恩踢倒百億
須彌直使纖塵不立吸盡大千刹海必也涓滴無存
獨寤頂門正法眼只將這箇繼傳燈

老倒從來用不臧生涯曾做賣樵郎銅棺盡把家珍喪太白光分燈燄長六處紅爐烹佛祖一條拄杖作津梁韜光拂袖通玄頂聲價人間萬古揚

咄哉者老賊造一闡提業捉敗老龍池截斷曹溪脉高據天童山走殺閻浮客無論佛與祖棒下咸勦絕只此結冤讐兒孫恨不徹恨不徹萬古英風威凜烈

林野老和尚三首

天童和尚氣壓諸方橫抽寶劍虎坐堂皇干戈未動魔佛自降等慈廣被而當道慣栽荆棘方便爲本而過橋折卻橋梁可憐這般去就盡是闡提心腸俺會罵入骨髓

錯禮三拜冤深悔恨難忘而今據欵都結案獅子翻身何處藏

兔角拄杖龜毛拂子殺活全彰誰合知委道是本師和尚驢頭不對馬觜若論此箇元非更乃棄波求水當陽坐斷請訛明月清風未已不肖拜手讚揚句句罵入骨髓

嚴儀自若轉成光瞻者趑趄畏近傍不在空王閒掛錫特於末法整隕綱離微盡向棒頭滅魔佛全歸喝下亾沒典當季遭毒手至今遺恨沸如湯

送海峯侍者

箇中之事了無多佛祖由來沒奈何四十九季苦饒
舌末後拈花當得麼逢人面壁分天高地厚斷臂安
心今海澗山遙曹溪波浪如相伴及至烏窠吹布毛
趙州鬪劣不鬪勝馬祖磨磚要作鏡打車打牛枉徒
勞卽心卽佛休錯認德山棒如雨點臨濟喝佢雷奔
歷代敲床搘拂到底難滿窮坑國師呼喚而趣出吾
不幸汝汝負吾會得兩口無一舌笑倒東壁挂葫蘆
挑囊負鉢兮胸中惄惄火三登九上兮腳板溜如煙
半夜鰲山輕一授可憐矢上更加尖假饒極盡心力
誰能爲伊雪屑齋夫老子愧愚魯兀坐虛堂窺今古

柱礎禪者來扣關風穴龍池德雲山巾餅左右勤朝
夕兩眼枯乾覩不極嗔拳熱喝是良模喫著棒頭血
滴滴纔方踢步哆哆和和肚裏便見肯肯可可蟬聲
砌葉秋水寒偶來辭我下南叅長歌相送三五丈短
頌贈行七八篇大千刹海鉢盂裏百億須彌拄杖前
築破腳指知痛處歸來還我艸鞋錢

參禪偈

心源未透被誰謾歷劫徒勞受苦酸若向外邊尋了
達終於箇裏不相干萬緣放蕩宜先覺一念回光徹
底看授碎虛空無背面圓明寂照絕遮闌

華山寺次大州趙內閣壁間韻

碧月光搖覺海中呈橈舞棹樂漁翁分身化物頭頭
別撒手歸家處處同雷語電機驅衲子月釣雲餌釣
罇龍相逢點破箇中事綠水青山幾萬重

崇禎庚辰春江安次破山老人題蟠龍寺韻

蟠龍鎮靜澄淵臥徹底深藏伏爪牙特地鳴雷迅浪
遠脩狀掣電吼雲賒爲霖蘇亢山川秀壤首珠含宇
宇宙霞宛轉優游隨隱顯禹門終不宿桃花

次本師天台山居韻

二首

雲埋絕頂幾經霜憊與時流較短長秋至但觀黃葉

落春來唯覺白花香罷遊猿止洞中臥爭食禽喧嶺
外狂獨貴山居閒我老從他塵世利名忪

寄跡玄峯幾度霜清貧寂寞道風長生涯全在饅頭
穩飲啄須憑脫粟香嶺上桃花含雨綻澗邊柳絮趁
風狂癡猿捉月真堪笑屢見谿西探水忙

正陽題觀音閣贈冉次齋

畫棟飛簷聳碧空吞雲吐月且玲瓏當季指出憑仙
梵此日拈來貴冉公清磬落淮澄覺浪洪鐘市郭啓
圓通大悲願海尋聲普萬古嗣源渺莫窮

贈別悅可兄任廣化

自來聚首度寒霜，遂把麟湖水共嘗。帆飽春風歸岸疾，詩成別恨咏愁長。鶯聲送客歡猶戚，花色迎人笑且香。惟美武林江畔永垂綸千尺，釣滄浪。

春日感懷

寰中造化自天鈞，舉目遙看景色新。詩興搜空千種緒，攬懷撥動一腔神。不憐握髮遺風寂，惟笑牽車逐隊頻。翻憶當年曳尾者，濮邊羸得箇閒身。

白兔亭和劉明府韻

覺海艤舟掛古帆，鯨濤撓岸宿蘆巖。倦眠枕榻連雲臥，渴飲持杯帶月饑。日麗雪消山卸甲，霜嚴水結冰。

添衫縱橫收放渠，儂委脫畧悠悠任聖凡。

荅用梅郭公遊風穴題大悲泉原韻兼呈刺史

金翁

斷雲飛白萬山幽，靜對方塘湧碧流。夜浸寒光魚瞰月，曉澄旭日雁驚秋。徘徊酌酒歌狂快，覽勝拋詩笑語浮。泉到汝南堪洗耳，清聲千載振瀛洲。

次復伊陽孫邑侯原韻

天公推月照吾廬，笑見文光大丈夫。可謂聖賢存至道，應知鸞鳳隱蒼梧。丹心此日恢皇化，赤手當季捋虎鬚。像法干城稽成作祖，堂深沐鑑水壺。

棲真留別諸兄

一筇廿載爲食風，踢破忙鞋路。已窮決擇水，中拈皓月參尋鏡裏叩。師容生涯愧莫干，人世佛法慚無到。已躬收拾雲歸山，獄靜從教月映海濤空。

宿盛澤圓明寺

梵刹雖將塵俗分，五更鶯唱隔溪聞。庭前水碧湖招月，戶外林深樹挂雲。地接南邦連北郭，橋通西舍與東隣。杖藜暫憩全賓主，玉燭高燒繼夕曛。

秀水歲暮述懷

法社梅開意最殷，笑談猶自喜。同群巴江入夢情難

剪吳嶽高懷暢，未分滿目風塵隨。臘盡半生心緒帶
松焚，從前底事因除遣。庭際惟留幾樹雲。

初春天台送別雲將兄

數載逢緣信愜中，偶狀相送話東風。梅花帶雪初就
蕊，桃萼含春未吐紅。愁聽松濤鳴不徹，忍看雲篆裹
無窮。此回分袂江山濶，何日遙天得便鴻。

登白楓山觀海

玉削危巒擬接天，雲霞淡盪自蕭然。峯頭極目海天涯，
濶物外忘機。胸次閒巖桂，風飄香獨夢。井梧月照影，
篩泉幾回逸興頻。携策一度登臨，一度歡。

遊天台石梁橋

雲花殿閣隱深谿萬景新奇動客窺橋自天狀跨澗
迴泉因地峻瀉巖危輪囷松竹吟風舞歷亂藤花帶
露垂五百高人坡下望三更待月賞猶遲

順治戊戌春同侍御直愚李公太史蕙嶃張公
二居士坐大慈泉共談向上一事快甚乃就流
泉開喜公池遂成一律以誌其事

汝海玄淵一脉真崖廊漏逗響清新蒼涼山色堪行
樂澹碧溪光妙入神世慮消磨閒日月林泉依約漢
風塵劇談笑別儒宗後千載池空冷照人

壽金刺史五鍾翁

二月和風開壽域乾坤無處不春光千秋松栢生靈
運滿座衣冠拜玉堂唯覺新民忠報國那知勤政髮
凌霜紫綸不獨喬遷祿更喜蓬壺化日長

秋日和原韻贈送孫明府南歸

杖藜久擲白雲隈懶尚情緣萬事灰道契攄懷頻共
笑秋光引興上崔嵬畏聞汝北吟歸韻喜見江南共
舉杯格外盤桓無次第龕言細語若奔雷

次原韻賀定州王刺史

睡魔初覺白雲邊偶接瑤章感數季加秩一千弘善

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

政搏風九萬仗金仙汝陽臥轍愁遷馬定水呈撓笑
待舡指日紫宸飛鳳詔傳燈增照有生緣

遲司馬拉阮葉一邑侯以詩見訪次原韻奉賀
動地秋光飛駁啼諸侯來自頫歸西隨題次韻詩情
健白蕩風狂笑語低褒德已聞頒紫詔登高猶喜荷
青藜超遷補袞調羨日記共山僧過虎溪

壽西安楊府尊

雲從汝嶽共盤桓劇笑宗雷治政寬名覆金陵爲宰
相化隆庶子頌仁歡初承福護緣非淺再接光儀覺
倍難海屋添籌銀漢濶頻分入水遶長安

次復羅山尚居士原韻

書債醉完可罷參風雲撩起臥龍愁胸中有義文千
篋眼底無私佛一龕妙道虛玄唯自得大功不宰僧
誰勘將來坐聽壺梅詔回顧山堂蘸齒酸

復長安黃文學韻

携取詩書館上方山齋小睡熟黃梁初離夢宅空諸
見猶帶仙都笑語香畫篋文光多敏烈刦壺風味幾
能忘乾坤輪我三秦樂青眼頻看世諦忙

盤龍寺步友人韻

連峯陳峻岌堆疊擁盤龍魚躍谿前水鶯啼院後松

流雲穿巷陌飛鳥度長空寒暑更代謝咸原造化中
送別雨堂

離歌天地曠一曲在臨行風去馳雲遠帆飄逐浪輕
空山愁滿目寂室月孤明記取登高日蟬聲聒耳鳴
棲真歲暮述懷

歲晚麟溪上寒雲綴碧空窗梅橫夜雨簷雪舞晨風
電影追還及韶光挽莫變餘生何足論祖道若爲崇
過六合臥佛寺
四十九季簸脊唇機關曲盡枉勞神而今欹枕山齋
寂大夢何曾覺有身

荅馬雲孫居士原韻

文樞久應得環中濟早驚雷起臥龍沃政塙梅調鼎
日金湯莫倦老雲峯

中秋贈吉甫丁文學得嗣

露濕秋風丹桂香儒庭鶯鶯喜呈祥天倫鍾愛分甘
樂袞袞公侯福海長

謝凌司李過訪

溪山艸際正凝霜幸喜文星到上方相見不勞重話
會從前鼻孔自昂藏

金粟車水

竭世樞機本自朕輕輕授著便周旋就中有箇超方
作倒瀉滄溟浪深天

送雲將兄歸里山居

橫拈柳栗轉池陽謾謂麪羊挂角良縱使人天無覓
處柴門難鎖杏花香

焦山

遙望瀛洲青一點近攀蘿徑嶂千重斜陽倒影沉滄
海界斷魚龍路不通

巫山十二峯

巴水湍飛剪棹來瞿塘三峽碧崔嵬不知何代春生

筍十二抽條葉未開

天童客堂偶成

午夜齁齁睡正濃樓頭夢斷一聲鐘翻思就裏渾無
事祇有鈴鳴殿角風

送凌司李歸粵

廣南山水竟如何鎮海明珠自古多看破風塵歸去
好盧能相見笑呵呵

滁州示我空我靜二禪人

住止城西十里遙山樹石艸蕭蕭我空我靜誰爲
我一枕溪聲破寂寥

平行者求偈懺罪

多般罪業從心起
雪砌群峯萬疊高
一念回光如烈日
消鎔無復有纖毫

示光州黃侯長

與君驀劄兩相逢
話到參乎唯莫窮
不坐無聲無臭處
密移一步看飛龍

示五峯闍專使

萬里長途不憚煩
楚音達矣問來端
轉身腳底忘移步
踏着雲根徹骨寒

寄五峯叅衆

法門高敞賴扶持
笑倒靈山七佛師
不信老爺誠諦語
大家請問須菩提

寄大興善寺易庵禪師

● ● ○ ○ 地獄閻羅吞熟餽
天倉老鼠嚼黃金
蟬一吸滄溟竭
猛虎回頭月照臨

寄正法師

虛空浩浩談真諦
萬象森羅著眼聽
坐斷舌頭一句子
請君拈出是何經

示文明禪人

束箇乾坤作話頭
通身疑切莫隨流
一朝看破無多子

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

撰述

子反臉欺吾罵不休

題秋林禪悅圖

金風拂拂潑天涼
搖落亭邊萬樹黃
燕坐空林忘物我
夜深明月照茅堂

寤寐一如

江國悠悠意莫加
寒濤浩渺屬漁家
忘機歸臥蓬窗下
一任蘆風撼晚霞

寓滁州龍華寺有感

三冬憇錫滁山寺
高枕泉聲思莫窮
明月一溪生木白
樹頭鳥語咽霜風

秋日客陽山寺

客筇深憇白雲中
飯飽茶餘過笠東
兩兩相將看冷翠
樹頭紅葉墜秋風

夏日初晴懷天台舊遊

雨過雲凝艸木芳
寂寥山寺日偏長
泉聲入水驚初睡
猶覺身心在石梁

送無碍兄

歸去台山最上層
笑看雲浪自翻騰
峯頭幾度徘徊處
記取當年共我登

示惺知藏

1012345678910801234567891501234567

滴水翻波浪接天龍宮海藏不相謾源頭浩渺知何處祇在渠饑日用間

浴堂

水因忽悟無多子妙觸宣明一杓湯但自親來登浴室方知脫體露堂堂

天童募緣疏

太白峯前古道場瞎驢逐隊日偏長一回艸料輕拋出飽後翻騰氣宇昂

題風穴八景

錦屏風

院北峯高列翠屏綠陰紅醉百花馨狂風潑雨翻愁霧老倒山翁但不聽

珍珠簾

山勒回流自古今臨崖飛瀑瀉珠林如簾高掛閒終日未識仙房多少深

吳公洞

丹巖曲徑謾追尋洞隱斯文窈窕深若謂先生窮至理詩書鑿破聖賢心

仙人橋

翠微深處有神仙跨鶴來參風穴禪打破玄關歸去

日過橋拋郤悟真篇

大慈泉

臨池坐倚石欄杆自肯低頭對影看淨洗雲根山色
古澄澄空照碧天寒

翫月臺

愛月登高景最宜摩挲丹桂影相隨山家不忍和根
拔留待鴻儒折一枝

望州亭

召遊絕頂共躋攀極目南州杳靄間引手撩雲天際
近萬峯還抱水潺潺

翠嵐亭

虛亭小立浴風清四野嵐光山色明景致隨宜供客
眼何妨載酒縱詩情

採花吟

尋溪越嶺過山窩采采盈筐春色多葉底固含雲影
淡清香風引動歸歌

寄茶芽鑑長老

虎兒跳出白雲窩獰惡橫吞物命多肉醉耽耽藏畔
客宛湘遭害奈他何

示超玄郭恒輝

1012345678918012345678919012345678

接述

搜抉玄根卽物推縱橫得妙好施爲掀翻歷刮風塵
窟萬古長空杲日輝

贈淵僧正生辰

掌上經綸不覆藏也曾拈弄貫諸方天垂斗柄寒清

夜汝水翻波入海長

示僧遊臺

捏之不聚劈難開拄杖橫挑上五臺相見文殊渾莫
顧依狀貌自負歸來

寄朗上人關中二首

禪天空濶任徘徊把住關頭佛祖哀寄與一尋兔角

杖敲開蓬戶起風雷
柴門高局楚山空笑許寒雲密密封失腳踏翻關捩
子歸來扶起少林宗

示鄖陽南明上人

自出秦關學老成蒲團久戀楚雲深爲憐道大同今
古萬行莊嚴佛祖心

示僧遊臺

策杖初尋根本智清京翠掃太虛寒文殊當道騎獅
子不許禪流着眼看

寄興善林我鑑都寺

白雲回首望西秦
華嶽風高冷逼人
義重乾坤方外別
頭陀想是不生瞋

示交口玄宗上人

無惟心空絕點痕
益緣道大裹乾坤隨
機且作小方便六字
彌陀接上根

孫文學求偈保嗣

歲首晴和到上方
殷勤禮拜笑焚香
臨行覓我伽陀偈
福庇兒孫日月長

示曇晟禪人

眼底無俗物
胸中世界寬
但能不取舍
隨處得盤桓

八面天低水風帆掛
小舟飄颻無限意
如在鏡中游
法派

行智覺源澄光含福慧
燈慈舟與濟普正法印
南能聯芳偈

漳川斌雅鑑首座

風穴獅兒爪鉤綈全機殺活解翻騰
出林踞地輕哮吼
狐兔聞知喪膽魂

六安玄印恒侍者

天中汝海浪悠悠哉
養就金鱗偉莫裁
放過禹門電燒

尾興雲致雨醒枯荄

金堂彙峯一首座

老成道重古風高斤斧無煩動一毫開闢祖基神宇
廓清光千載照兒曹

溧陽絳山莘知藏

無情瞻大太心麤風穴堂前捋虎鬚棒下翻身窮徹
骨潑天活計任枝梧

金堂斷峯真西堂

汝海淵深養巨螭桃花浪起用無私風雲際會成頭
角大作甘霖濟旱時

南艷雪兆性書記

吹毛收得佩多時照雪寒光徹四維風穴當陽分付
汝臨機殺活任施爲裏當頭截斷請訖今機輪活脫
格外蓬溪含白徹書記圓明玉來絕迹而愚頹何源
志素淵涵玉貴高一竿絲餌付伊曹林泉養就任公
手四海垂鉤釣巨鰐這有鋒鏽碎佛祖頂頭掀翻
巾瓶數載侍吾傍悟入機深出見常蠻尾蛇頭分付
汝顛拈倒用任榆揚運徹底寒

杏嚴守捕忠國師哈師至塔前以拂子打○相二身

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

尼與去致雨西枯亥

迦頗出妙果卦缺

座

中藏蓮蘚卦音妙野人迷濛出見常蘆氣拂更卦
原清太時三文靈青昔

十四萬重陰陰日鰲

座

志秦默爾王貴高一卒絲贈朴母曹林泉養猿卦
有流數剝合日遜書旨

弋韜跡舜帝丑誠爲

坐

大手外骨廻之觀風書寒光端四難風穴當

用大

南歸雲兆卦書旨

佛事

天童密雲老和尚忌辰設供師云威振大千氣吞海
宇轉大法輪坐微塵裏當頭截斷謗訛今機輪活脫
格外流通正眼分妙智圓明去來絕迹而隱顯同源
體用全彰而卷舒自在者其惟吾祖天童悟老師翁
乎故其橫拈白棒亞豎青鋒鏤碎佛祖頂額掀翻衲
僧巴鼻殃及天下叢林千古兒孫不了遂召云大眾
且道卽今在甚麼處見伊乃以拂子劃○相云季季
此際秋空月影落澄潭徹底寒
香嚴寺掃忠國師塗師至塗前以拂子打○相云身

心一如○身外無餘●纖毫極盡◎充滿十虛大用
現前今如掣電全體作畧今併奔雷虎踞龍驤隱顯
莫測大小忠國師當時向這裏顛拈倒弄縱奪自由
賺侍者耽源於三應三呼譏南方佛法乃半生半滅
翰郤半邊鼻孔羸得萬頃香嚴雖狀如是且道成得
箇甚麼邊事良久云還會麼一墮蕭狀古往今來磨
日月千峯迥出參天矻地鎖煙霞就裏不變不遷箇
中無縫無罅遂召大眾云雖狀如是且道慶祥今日
到這裏向甚處與國師相見以拂子打○相復劃○
破云還會麼茶傾三盞世情外香爇一爐煙靄中

天童林老和尚遷化訃音至集衆挂真師乃捧幘云
碧天皓月出雲霞照徹闇浮百萬家江海魚龍競奪
影不知誰解著些些遂展挂云還會麼寒光一道輝
今古眼併睂毛玩莫涯

次日上供拈香指真云這老尊慈平昔面皮鍊石肝
膽冰霜了無佛法身心慣用金圈栗棘十季闡化傳
持臨濟正宗五坐道場掀翻衲僧巴鼻全無伎倆作
用良多今聞在天童堂上能事已畢寢息諸緣不肖
徒某親承入室濫叨法嗣曾遭痛棒而斷送頭顱嘗
被毒言而罵入骨髓若謂天高地厚未足以表其恩

100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

海澗山遙豈致以方其恨慎終追遠傷痛何量卽今
恭就慶祥寺裏焚一爐香奠三盞茶也不是佛事相
酌亦非人情之故遂左右顧視大衆云旣乎不爾且
道是甚麼意思衆無語卽搥胸哭云蒼天蒼天

師至少林達磨祖堂設供拈香當陽顯露徹底無私
彌綸萬有充塞十虛且道阿誰惟我震旦初祖菩提
達磨大師掌握權衡拔碎寶珠而光通今古縱橫殺
活捉敗六宗而妙叶偏圓無端提箇教外別傳明謾
赤子直指人心見性成佛証訛閻閻三週航海兮不
聞腳底翻白浪九季面壁兮那知頭上有青天梁王

殿上槩避無門葱嶺峯前抽身沒路斷送神光一臂
喪盡自己全身及至末稍無合殺空棺隻履可憐生
狀雖如是且道風穴不肖遠孫到此如何爲伊雪屈
乃上香顧衆云還委悉麼一花五葉開無盡萬古春
風動地香

掃風穴沼祖墳上供畢師云黃面浙子風穴老人萬
季一念七載單丁待識仰山再來遇風卽止傳持臨
濟法道亘古流芳高提祖師心印搭破盧波老面門
倒跨鍊牛之機榦轉李州牧鼻孔神情莫測真箇白
拈誰知今日被不肖兒孫於狹路相逢和瞞捉敗遂

左右顧衆云當恁麼時且道放行好把住好乃上香
云須知箇裏情相侶日日香花夜夜燈
掃首山念祖塔師拈香云門外三車土曠人稀相逢
少箇中一致背陰山子向陽多若隱若顯絕遮闌亘
古亘今無障礙常轉如是經百千萬億卷此乃吾遠
祖法華念和尚尋常用處遂以拂子於空中點一點
召大衆云會麼復作○相云就裏綱宗何所憑咄哉
巧女拙郎君著靴水上觀鷄鬪贏得清秋月一輪
順治庚子秋師至熊耳山空相寺掃達磨初祖塔上
供畢乃云碧天明月朗秋空東震西乾一徑通先聖
去來無朕跡蕭狀一塔鎖熊峯恭惟我鼻祖菩提達
磨大師大和尚遠辭竺國航海梯山面壁少林拋磚
引玉茭嶺西歸逢宋雲空棺隻履難迴避一花五葉
應時開萬古聯芳香馥馥乃召云大衆卽今還見得
麼以拂子劃○○此相遂展拜

掛鐘板師指云祇這二上座從來覲面無情全體大
機大用傳持佛祖號令艸偃風行洞明衲子聲光普
天匝地只饒諸聖到此總教廻避無門永振叢林真
規悉皆內嚴外肅惺惺寂寂而圓應無虧密密綿綿
而抑揚有準遂舉起召衆云還會麼任是銅頭鍊額

漢也須聽取令行時擊擊便掛

爲惺渠宗知客起龕

初任維那職

師拈拄杖擊龕云主人公惺惺着不拒見聞與知覺語默動靜絕安排十字縱橫活潑且道路頭在甚麼處乃以杖引云須向這裏行十方無壁落舉火云數聲清磬海衆同歸一盞龕茶高賓聚會有禮有義無作無爲輔弼宗猷叢林綱領此是惺渠宗禪人尋常用的山僧卽今更當示汝末後一著以火炬打○相云烈焰爐中飛片雪當天迸出一輪紅犧下便燒

香嚴宕山法弟訃音至拈香云釋迦大師昔向雙林入寂宕山和尚今於香嚴收聲雖狀同道不同途要知鼻孔無兩樣何也生死去來了無朕跡光前絕後沼合一如分明掣電爍長空驚起泥牛入滄海遂左右顧視云大衆正當此時還有知香嚴和尚安身處麼以拂子劃○相云透過荆圈與栗棘當頭坐斷是非關

爲朗書記舉火

舉起火炬云朗上座還見麼這是你尋常用處如或未委更與道破一字不著劃文綴珠璣八法任安排

100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

義空藏海諸法性離故祇此用無窮雖狀如是切忌向這裏安身立命更須懸巖撤手直下翻身自肯承當了無餘事何也箇中莫使墨淋漓此去再來吞佛祖

爲慧生侍者舉火

湛碧秋空月正圓風凋桐葉墜翩翩隨緣不變金剛體獨露分明在目前須透脫莫貪觀巾餅左右得逢原更有末後全提句烈焰爐中片雪寒攢下火把喝一喝便行

爲還真舉火

師云春光婉媚燕喜鶯歡柳線繰風百花爛熳正恁麼時本福禪人何妨放身捨命直下承當卽境明心了無障礙遂拈火炬指云委悉麼地水火風各歸本際見聞知覺共證圓常去來杳絕形踪就裏隨緣不變且如何是不變底道理乃攞下火炬云鍊牛火裏解翻身無位真人歸帝室

爲修明舉火

舉火炬云單複圓修甚善哉涅槃路上任徘徊分明指點歸家處乃攞下火炬云優鉢羅華火裏開入墮以拄杖指骨襯云這些子最靈物非色非心亦非佛

970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

幾番嗔了幾番喜光明聚散無拘束復擊墮云好把
無縫墮敲開遂以骨襯入墮云隨緣且向此中住此
中住聖凡同唱無生曲

爲荷潔舉火

蓮花荷葉搖拽清風而體自馨香出水離塵靄映祥
雲而元本淨潔根敷曠刦葉茂今時開謝乘春了狀
不昧祇如不屬榮枯一句又作麼生道拈火把打○
相云還會麼古鏡不磨還自照靈花火裏濕秋光便
燒

爲衡岳舉火

舉火炬云衡岳衡岳汝還會麼覺海澄明性天寥廓
直下承當頓狀超卓如或沉吟更與道破乃擲下火
炬云箇中但自了無餘沙界縱橫活潑潑

爲不二舉火

拈火炬云大地陽回春晝長東風吹徹柳稍黃不一
門中方措足火裏曇花分外香便燒

雜著

住鄧州慶祥寺安禪接衆引

茆堂冷淡若據佛法全無山寺淒涼唯儲水艸具足
善解餽驢餵馬而休云接待不易貴圖止饑止渴而

豈懼設施艱難爲憐苦困瞎駒兒要與打開正法眼使伊箇箇暉天鑑地踢踢翻騰亦任昂昂北往南來縱橫自在莫只全靠慶祥敢與大家出手但能樂意壅允便請直下承當

化浴室引

勺水恒河好看滔天浴日紅塵滿面須信達本還源到此都盧揭下炙脂帽子脫郤鵠臭布衫一澆一渴休教打濕眉毛百蕩百磨直須揩拭鼻孔掀翻跋陀婆羅境界觸發無垢淨光家風不是慶祥開拓門庭要顯當體風流脫灑卽斯妙觸宣明便證成佛子在

齋榜

二首

弘開爐鞴烹十虛而烈燄衝騰高舉鉗鉗煉三有而心空及第饒伊聖見凡情到此不留朕迹縱是銅頭鎌額總教徹底銷鎔奮大機顯大用還我風穴家風助其柴添其炭盡在檀那出手欲得一火鑄就直須二事拈來幸蒙垂允請註芳名

打破慳囊洞見三輪空寂豁開正眼了知一性圓明香積世界流通法喜堂前親證如或自肯贏得飽食

茶榜

一切以透脫情關直截一條活路抽開識鎖當陽十字

縱橫但能足下無私信知路頭不別賢愚貴賤各有
所歸士農工商咸由此道祁寒溽暑往來曷辭苦骨
勞筋風雨晴煙閒忙盡叫口乾舌渴可憐心頭熱悶
不忍袖手傍觀應須鉗碎龍團正好當道煎點掇出
趙老三盃欣狀請坐吸竭盧仝七盃掉臂便行不特
滋味殊深大都清涼熱惱雖則任我攔街把住憑君
自肯承當休恠看客兩停元來一般管待莫向就中
取則方知功德難量誰肯當前共成斯事

入室規約

風穴山深負米搬柴不易白雲路滑經冬過夏殊難

衲子聚頭無非要發明已船大事長老出世本擬求
箇有血氣丈夫你既肯放下身心吾不辭畧施毒手
今當入室陞堂之際搗虛煉實之時快宜掃蕩胸中
故習抖搜從前餽鬱貴圖打開正眼莫憐爐鞴通紅
祇要死盡偷心豈懼鉗鉗惡辣但能直截當前管取
這回及第

行實

師一日因彙峯首座同兩序懷香率衆入方丈請示
行腳啓廸將來師郤之再三衆堅請不已遂曰山僧
生平履歷備述繁多不負懇請畧言節槩余乃成都

之資陽人也俗姓陳母張氏生於萬曆四十一年癸丑正月二十四日子時賦性果毅世居隆昌清潭里七歲入鄉校智性遲愚讀不甚解天啓元季中秋過溪見深潭一屍被魚鱉唼噉爛臭不堪乃追念云人既死已性歸何處偶動諸行無常之感一日館中論語至朝聞道夕死可矣持問先生曰何如是道先生曰日用當行卽道余曰一口氣不來道在何處先生躊躇曰命之理微吾所未知釋門有見性高人可往請教當爲發明余乃嘆曰祇此於道無聞縱讀尤丘八索三墳五典也了生死不得須學出世法可矣

遂掩卷輒讀決志出家父母難之卽數日絕食饑渴殆死時方降旨看先母畚狀謂親族曰小兒原有其因我記當季夢一頭陀僧造門投宿觀彼容貌威嚴乃郤之曰此是紅塵陋巷不敢屈留僧舉手中如意曰不狀以此暫寄何如我卽拜而受之復問老師何處僧西指曰峩眉雪鎖白雲深覺而遂生凡見僧便喜稍長卽歌詠梵唄雖嬉戲皆爲佛事以此可驗則有夙根他欲出家宜無阻滯因送淨居山寶峯寺禮寶山啓尊宿披剃晚夕忘疲惟勤禮誦丙寅春夜坐危樓忽想天地間爲甚麼有我畢竟我生從何來極

窮古今時分莫測始終十方虛空盡無邊表卽駭狀
汗下不覺黎明尋走鐘典寺謁心玄和尚玄引法華
經云如來知見廣大深遠禪定解脫深入無際此是
夙植般若種子今乃發現志宜勇銳必期證道而後
已復問汝號甚麼余曰惟致得名請師賞號玄曰據
汝夢感生緣可號雲我仍贈以偈曰白雲鎖雪一峯
寒極目寥寥天地寬象駕夤緣悲行普夢回相笑太
無端余禮謝而歸余家寺敏兄志先在道深承策進
往劉家靜室同淨空師結社依博山警語做工夫雖
曉夜參究猶恨歲月飄忽已事不明仍回寶峯立死

限一季苦於昏散二魔引錐痛劄種種鞭逼亦未了
辦復往祝家菴參印心和尚一見便問汝從何處求
余曰淨居山師曰父母未生前你在甚麼處余曰某
甲正疑不知我生從何來胸中如一座銀山鍊壁苦
沒奈何伏望慈悲指示師叱曰去汝不會我語余方
舉步師蓦喚一聲余應諾師曰且道應從何來余恍
然了解自此凡閱諸典皆達意趣留止一季侍師至
天峯圓戒時季十九卽崇禎辛未歲也因遊峩眉路
逢一僧自南方來叙及密雲老和尚乃臨濟正宗在
金粟開堂有法嗣破山和尚現住萬峯門庭孤峻余

聞之喜躍卽中夜焚香遙禮默禱早見爲幸至墊江
適象崖師開法南山往謁之同見萬峯和尚便問把
住牢關聖凡莫測放開一線畧許商量除去二途請
師相見山曰瞎余曰虛空無縫罅法體絕形踪爲甚
大悲菩薩現千手眼師曰死水不藏龍余曰如何是
活水龍師拈棒打出不幾辭歸省親至內江東坡庵
閨藏三季凡於義路文字便理會相應佛祖關鍵隔
絕難透愈見詣訛疑情轉熾偶聞破和尚赴盤龍請
先到俟候師見便問老僧到這裏已是無端汝來堪
作甚麼余曰不是冤家不聚頭山曰三日不相見莫
作等閑看你鼻孔近日如何余曰依狀搭上唇山曰
爲甚沒了半邊余曰盤龍門下制中每進方丈呈見
識屢遭痛棒打出彼時世界身心渾成一塊意識都
忘佢不有我惟覺昭昭靈靈而已一日晚叅出問碧
天明皎潔皓月映寒潭時如何師下禪床痛打一頓
昏絕擗地時雲石惺渠撞至僧堂五鼓方甦冷汗如
洗維那圓明兄問老兄見箇甚麼道理余曰莫眼花
眼曰適纔向甚處去也余便掌曰會麼明變色曰羅
刹禪余曰你只管喫掌次日命入室師問路逢達道
人不將語默對你作麼生對余曰某甲今日放和尚

過師曰爲甚麼如此余曰昨日喫痛棒而今不覺餓
師曰裝死賣活漢余曰怕某甲不實那師拈棒指曰
你看果狀腳跟未點地在余便喝師直打出解制師
赴瀘州方山請命余維那職後侍師遊戎城請假下
南方師乃種種開發出蜀抵荆南聞密師翁圓寂乃
謁金粟費隱和尚問千里聞風卽且置覲面相逢意
若何師便棒余曰劉郎不解藏春色漏泄枝頭多少
香師曰不遇攀花手徒勞造化心余便喝師便打見
師鉗鎚妙密本分接人乃親炙座下每與師徃復諭
諦當仁不讓解夏師上堂末曰諸兄弟從今解制後

或東去西去忽狀撞着猛虎當路又作麼生衆擬議
師拈棒下座一時打散余當下猛省入方丈呈白師
曰如何是你本分事余擬荅師曰得箇驢兒便喜歡
未在未在卽推出余告假師固留余呈偈曰獮龍隱
顯迥誰儔氣宇昂藏出衆流大底不貪香餌味翻身
破浪五湖游上天童禮密祖塔叅山翁和尚一日入
室師舉洞山古鏡話問曰你道甚麼意旨余曰未到
天童知何處行來方見路高底師曰這漢拶着便見
瓦解冰消余曰明眼宗師天狀有在師打出解夏辭
師遊天台叅通玄林野先師問杖頭挑撥罕遇知音

狹路相逢如何卽是師曰雲霧鎖青山余曰未到天台不妨疑着師曰持盞酌海晏瀨深余曰不因樵子徑爭到葛洪家師曰峯巒挺秀鳥道難通余便喝師便打見衆中俱是清苦操道之士乃親依座下通玄高寒務重余衣單淡薄五季未得綿花上身因染危病瀕死方愈卽命職副寺一日師問在此作麼余曰打整庫房收拾東西師曰佛祖爪牙衲僧巴鼻你作麼生收拾余曰別處容和尚不得師曰今季合得好醬余曰貪嘴老婆說食香師曰常住淡薄老僧明日向台州托鉢去也余曰艸賊大敗師休去一日入

室師問內不放出外不放入正恁麼時以何爲界余曰百艸頭邊露師曰甚麼人證盟余曰明月與清風師拈棒余一喝便出師乃命余主客司職至丁亥五月十七日侍師遊山至文詞庄師問等閑拶着卽轉轆轤的我這裏總用不着將你從前所得所證據實說與老僧看余乃盡情呈白一上師搖手曰不是不是余曰向來師皆肯可如今爲甚麼不是師曰此是只耳之學識解依通盡屬生死根本余殷勤請益師曰且道山河大地明暗色空與汝自己是同是別余曰同則摠同別則摠別師正色呵曰說得道理好余

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

方佇思被師攜胸把住曰除郤惱別同異速道速道
余擬對師慕向懸巖一推不顧而去植田頭來扶起
當時胸中寶惜廓爾水消一切訛訛明如指掌返觀
從前所得如大海之一滴耳卽衝口說偈曰罷罷罷
休休休橫眠倒臥在山丘翻身拶碎虛空骨萬象森
羅笑點頭次日上方丈呈先師看過袖之復伸手索
曰這箇且置將你悟得的呈俗老僧看余舉足曰昨
日無端被害這腳一夜疼痛不安師呵呵大笑余哭
蒼天便出午後呼余至石船曹將從上佛祖因緣衲
僧已鼻重重勘驗余一一對答如流師復舉德山托

鉢詰語之曰且道此二老端的在甚麼處余曰德山
神出鬼沒巖頭佛口蛇心師曰祇如巖頭密啓其意
德山會末後句又作麼生余曰一條拄杖兩人扯舌
曰爲甚果狀只得三季活余曰賺殺一船人師曰諦
當甚諦當敢保香爐峯未肯點首在余曰任從天下
諾忻忻我獨不肯師曰這回吾不汝欺也至秋間委
命山中苦境難以具述越明季徃鱗湖棲真省覲本
余同無礙兄代理通玄院事師赴嘉禾請余未敢方
師謝院務俾典藏鑰順治己丑九月十六日師出源
流拂子囑余住山余固辭曰某卑何人敢當此大任

師曰汝但將去已後坐斷天下六舌頭耳乃禮辭本
師拽杖渡江意在把茆蓋頭了此餘生備矣涉滁水
過壽州寓正陽霍丘諸郡檀越以名刹力致前後一
十三請余堅辭不諾乃上陽山訪慧公不意龐揔戎
領霍固兩郡檀信賚書疏信儀登山懇請住大別山
普濟寺余郤之猶甚慧師曰今觀法緣當熟濟物乘
時有祖以來難逃此責和尚豈可執意而謙退乎吾
亦率衆相從光揚法席事既難辭勉爲應命之送院
慧師白梃統衆敦請開法因茲囊錐始露歷遷住持
狀而或出或處得失窮通皆信乎天緣并強爲也山
歡喜作禮而退

僧始自出家行腳及領衆已來數十季間咬冰嚼糞
甘苦備嘗唯已及人以道爲慮汝等諸人各有本地
風光莫從外覓教吾儕徒喫了許多生受這般說話
愧揚家醜明眼人前一場笑具天寒久立珍重大衆
歡喜作禮而退

雲峴禪師語錄卷下終



97012345678918012345678919012345678

照蓮

空手道外傳

卷

喜卦

賀喜宋頤曰須人言一粒於人具天矣人止極重大矣
風火莫終
甘苦諭嘗
貪財自出
人以財為命

9 10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

せ
せ
二